

RESOLUCIÓN DO 11 DE MAIO DO XERENTE DA ÁREA SANITARIA A CORUÑA E CEE POLA QUE SE CONVOCA A COBERTURA DUNHA PRAZA DE PROFESOR/A A TEMPO COMPLETO (ÁREA ENFERMARÍA COMUNITARIA) DA ESCOLA UNIVERSITARIA DE ENFERMARÍA A CORUÑA

O artigo 8 do Decreto 242/2008, de 9 de outubro polo que se regulan a natureza, os fins e os órganos de goberno das escolas Universitarias de Enfermaría dependentes da Consellería de Sanidade establece que é función do Padroado "nomear ao profesorado a proposta da Xunta de Escola".

Mediante Orde do 8 de setembro de 2009, da Consellería de Sanidade (DOG nº 184, do 18 de setembro), delégase a Presidencia dos padroados das escolas universitarias de enfermaría dependentes da Consellería de Sanidade en Ourense e A Coruña nos titulares das Xerencias dos complexos hospitalarios de Ourense e A Coruña, respectivamente

Tendo en conta o anterior e en virtude das competencias atribuídas polo Decreto 137/2019, do 10 de outubro (DOG nº 208, do 31 de outubro), polo que se establece a estrutura orgánica do Servizo Galego de Saúde, e polo Decreto 134/2019, do 10 de outubro (DOG nº 204, do 25 de outubro), polo que se regulan as áreas sanitarias e os distritos sanitarios do Servizo Público de Saúde de Galicia, a Orde do 22 de abril de 2020 (DOG nº 82, do 29 de abril), de delegación de competencias en órganos centrais e periféricos da Consellería de Sanidade e do Servizo Galego de Saúde, o Xerente da Área Sanitaria da Coruña e Cee,

RESOLVE

Convocar o proceso para a cobertura, por promoción interna temporal, mediante o sistema de selección de concurso de méritos de profesor/a a tempo completo da Escola Universitaria de Enfermaría A Coruña.

O proceso de selección realizarase de conformidade coas seguintes

BASES

Primeira. Obxecto, características e funcións do posto de traballo

O obxecto da presente convocatoria é a cobertura, por promoción interna temporal, da praza vacante de profesor/a, a tempo completo, da Escola Universitaria de Enfermaría A Coruña, cuxo horario será de mañá (8 a 15 horas) e/ou tarde (15 a 22 horas).

As retribucións a percibir serán as establecidas para este posto (código orzamentario S-A2-22) na Orde da Consellería de Facenda e Administración Pública, pola que se ditan instrucións sobre a confección de nóminas do persoal ao servizo da Administración Autonómica de Galicia vixente en cada momento.

As funcións a desempeñar serán as seguintes:

Coordinar a programación e desenvolvemento das ensinanzas teóricas e prácticas de acordo co plan de estudos vixente.

Coordinar e impartir a ensinanza teórica e práctica na área de Enfermaría Comunitaria.

◀ Coordinar e promover accións correctoras destinadas a mellorar a calidade da docencia da área de comunitaria. ▶

Coordinar a planificación da actividade práctico-clínica, segundo os niveis de formación.

Colaborar coa dirección no desenvolvemento da actividade docente e no seguimento do Título.

Calquera outra función que lle delegue a dirección ou encomenden as disposicións legais vixentes.



Segunda. Requisitos para participar na convocatoria

Poderán participar na presente convocatoria as/os interesadas/os que na data da finalización do prazo para a presentación de instancias reúnan os seguintes requisitos:

- Posuír o título de Grao en Enfermaría ou equivalente.
- Posuír praza en propiedade na categoría do grupo A2 (Enfermeiro/a).
- Atoparse en situación de servizo activo como persoal estatutario do Sistema Nacional de Saúde e acreditar dez anos de experiencia na categoría do grupo A2 (Enfermeiro/a).

Terceira. Solicitudes e documentación

As/os interesadas/os en participar na convocatoria deberán presentar a solicitude, segundo o modelo de instancia que se adxunta no anexo I, que se facilitará na Escola Universitaria de Enfermaría A Coruña, situada no Campus de Oza. Os impresos de solicitude tamén estarán accesibles na web da Escola de Enfermaría A Coruña <http://www.enfermariacoruna.es/>, no apartado "Novas".

Xunto coa solicitude, deberá achegarse a seguinte documentación acreditativa dos requisitos e méritos das/dos interesadas/os:

- Documento de identificación: fotocopia do DNI, pasaporte ou documento que acredite a identidade, debidamente compulsado
- Copia compulsada do documento que acredite a titulación requirida.
- Certificación acreditativa dos servizos prestados, na que conste a categoría profesional e as datas de prestación de servizos, facendo constar que se atopa en situación de servizo activo.
- Currículo profesional detallado, onde consten os méritos avaliábeis conforme á orde e estrutura disposta no anexo II da convocatoria, e documentación acreditativa dos mesmos mediante documento orixinal ou fotocopia compulsada.



- Proxecto docente referido a ÁREA DE ENFERMARÍA COMUNITARIA. O Proxecto docente conterá como mínimo os seguintes apartados: Propósito xeral materia ou materias, resultados de aprendizaxe e competencias, metodoloxías docentes e de avaliación.

O proxecto presentarase en sobre pechado e terá unha extensión máxima de 20 páxinas, letra Arial, tamaño de fonte 11 e interlineado 1,5.

Para ver información sobre as materias entrar na páxina web da Escola ou na Memoria do título de Graduado/a en Enfermaría pola Universidade da Coruña.

<http://www.enfermariacoruna.es/documentos/estudios/grado/>

[1.Memoria_Titulo_Graduado_Enfermaria.pdf](http://www.enfermariacoruna.es/documentos/estudios/grado/1.Memoria_Titulo_Graduado_Enfermaria.pdf)

<http://www.enfermariacoruna.es/documentos/estudios/2016/Memoria-modificada-8-3-2016.pdf>

O currículum vitae e o proxecto docente deberán entregarse tamén en formato dixital non modificable.

Só se terán en conta os méritos que as/os interesadas/os reúnan na data de publicación da convocatoria e acrediten no prazo de presentación de instancias.

No caso de insuficiente acreditación documental dos requisitos de admisión esixidos na convocatoria, poderán ser emendados no prazo que estableza a lista provisoria de admitidas/os e excluídas/os, de acordo co establecido na base sexta da convocatoria. Para os efectos de acreditación dos méritos poderase solicitar a ampliación ou aclaración da documentación aos aspirantes.

Os documentos orixinais que as/os aspirantes achegasen para acreditar os seus méritos seranlles devoltos, previa solicitude, tralo remate do proceso selectivo, ou ben se é o caso, unha vez resoltos os recursos, reclamacións ou demandas formuladas contra a resolución final do proceso.

As solicitudes e documentación anexa, deberán ir dirixidas ao xerente da Área sanitaria da Coruña e Cee, e poderán presentarse en calquera dos rexistros da Área Sanitaria e demais lugares previstos no artigo 16.4 da Lei 39/2015, de 1 de outubro, do Procedemento Administrativo Común das Administracións Públicas (en adiante LPAC).

O prazo de presentación é de dez días hábiles a contar dende o día seguinte á data da publicación do anuncio da presente convocatoria.

Será causa da inadmisión ao proceso selectivo a presentación extemporánea da solicitude pola/o interesada/o.

Cuarta. Sistema de selección

A selección dos aspirantes á praza convocada será polo procedemento de concurso de méritos, de conformidade co baremo establecido no anexo II.

A puntuación total que os aspirantes poderán acadar neste proceso selectivo será de 140 puntos, detallado no anexo II.

A comprobación posterior do incumprimento de calquera dos requisitos esixidos para as/os aspirantes neste convocatoria, dará lugar, por resolución motivada, á exclusión da/o aspirante ou, no seu caso, á revogación da adxudicación e nomeamento, se estes xa se tivesen efectuado.

Quinta. Comisión Técnica

Para a selección das/os aspirantes constituirase unha Comisión Técnica, que terá como finalidade avaliar a competencia das/os candidatas/os e os méritos presentados, e elevar a proposta de adxudicación ao Xerente da Área Sanitaria da Coruña e Cee.

A Comisión Técnica estará integrada por cinco membros designados da seguinte maneira:

Presidente: Xerente da Área Sanitaria da Coruña e Cee e presidente do padroado , ou persoa en quen delegue.

Vogais: Directora da Escola Universitaria de Enfermaría A Coruña, ou persoa en quen delegue.
Delegada da Universidade na Escola Universitaria de Enfermaría A Coruña, ou
persoa en quen delegue.

Director de Enfermería da Área Sanitaria da Coruña e Cee, ou persoa en quen delegue.
Secretaria académica da Escola Universitaria de Enfermaría A Coruña, ou persoa en quen
delegue.

A Comisión será asistida por un secretario, designado polo órgano que convoca, que actuará con voz pero sen voto.

Os membros da comisión deberán absterse de intervir, notificándoo ao Xerente cando concorran neles algunhas das circunstancias previstas no artigo 23 da Lei 40/2015, do 1 de outubro, de réxime xurídico do sector público (BOE núm. 26, do 2 de outubro).

Así mesmo, as/os aspirantes poderán recusar aos membros da Comisión cando ao seu xuízo concorran as citadas circunstancias.

Esta Comisión axustará a súa actuación ao disposto na normativa vixente sobre órganos colexiados. A efectos de comunicacións, a Comisión terá a súa sede na Escola Universitaria de Enfermaría A Coruña (Campus de Oza).

Sexta. Procedemento e tramitación

1.-Todas as publicacións relativas ao desenvolvemento do proceso realizaranse nos taboleiros de anuncios da Escola Universitaria de Enfermaría A Coruña, e na páxina web do Espazo do Profesional da Área Sanitaria da Coruña e Cee, así como na web da Escola de Enfermaría.

2.-Rematado o prazo de presentación das solicitudes, o xerente ditará resolución coa relación provisional de aspirantes admitidas/os e excluídas/os, indicando neste último caso a causa da exclusión.

Os aspirantes disporán dun prazo de cinco días hábiles, contados a partir do seguinte ao da publicación, para poder presentar as reclamacións que consideren oportunas, ou para poder emendar, de ser o caso, o defecto que motivase a exclusión.

3.-Transcorrido este prazo, a Comisión Técnica resolverá as reclamacións presentadas e publicarase a relación definitiva de aspirantes admitidas/os e excluídas/os ao proceso selectivo.

Para tal efecto, a estimación ou desestimación das ditas peticións de emenda entenderanse implícitas na resolución pola que se publique a listaxe definitiva de aspirantes admitidas/os e excluídas/os. Contra esta resolución poderase interpoñer recurso de alzada ante a Dirección Xeral de Recursos Humanos do Servizo Galego de Saúde, no prazo dun mes a contar dende o día seguinte ao da súa publicación.

4.-A Comisión Técnica procederá á valoración conforme ao procedemento establecido na base cuarta desta convocatoria. No referente ao Proxecto Docente, o mesmo será defendido en acto público, ao que as/os aspirantes serán previamente convocados pola Comisión Técnica.

5.- Rematada a fase de avaliación dos méritos, publicarase a relación provisional coas puntuacións obtidas polos aspirantes, coa apertura dun prazo de cinco días hábiles para que as/os interesadas/os poidan realizar as reclamacións que estimen pertinentes, e que serán resoltas pola Comisión Técnica.

6.- As reclamacións formuladas contra a resolución provisional serán rexeitadas ou admitidas por medio da resolución definitiva, que conterá a proposta de adxudicación a favor de aquela/el aspirante que acade a maior puntuación, agás que concorran circunstancias que xustifiquen que a convocatoria quede deserta, en cuxo caso deberán constar as razóns que o motiven.

Sétima. Resolución

A resolución definitiva será publicada de acordo co establecido na base Sexta punto 1, e indicará as puntuacións definitivas ou que se declara deserta a convocatoria.

En caso da non superación do período de proba por parte do aspirante seleccionado, nos termos do artigo 33.2 da Lei 55/2013, de 16 de decembro (BOE núm. 301, de 17 de decembro), polo que se aproba o Estatuto Marco do Persoal Estatutario dos Servizos de Saúde, ou renuncia do mesmo, realizarase a adxudicación á favor da/o seguinte aspirante coa maior puntuación outorgada.

O exercicio das funcións en promoción interna temporal pola/o aspirante seleccionada/o non suporá a consolidación de dereito algún de carácter retributivo ou en relación coa obtención do novo nomeamento.

Contra a presente resolución que non esgota a vía administrativa, poderá interpoñerse recurso de alzada, perante a Dirección Xeral de Recursos Humanos do Servizo Galego de Saúde no prazo dun mes a partir do día seguinte ao da súa publicación, segundo a Lei 39/2015, de 1 de outubro do procedemento administrativo común das Administracións Públicas.

A Coruña, 11 de maio de 2021

O presidente do Padroado

da Escola Universitaria de Enfermaría A Coruña

Xerente da Área Sanitaria da Coruña e Cee




Asdo.: Luis Verde Remeseiro

ANEXO I

RESOLUCIÓN DO 11 DE MAIO DE 2021 DO XERENTE DA ÁREA SANITARIA DA CORUÑA E CEE POLA QUE SE CONVOCA A COBERTURA DUNHA PRAZA DE PROFESOR/A A TEMPO COMPLETO (ÁREA ENFERMARÍA COMUNITARIA) DA ESCOLA UNIVERSITARIA DE ENFERMARÍA A CORUÑA

APELIDOS	NOME	DNI	DATA DE NACEMENTO
DOMICILIO			
CÓDIGO POSTAL E LOCALIDAD E	PROVINCIA	TELEFONO	CORREO ELECTRÓNICO

EXPÓN:

Que publicada a Resolución 29 de abril de 2021, do xerente da Área Sanitaria da Coruña e Cee, pola que se procede á convocatoria para a cobertura dunha praza de Profesor/a a tempo completo, e reunindo os requisitos necesarios,

SOLICITA:

Sexa admitida a presente solicitude para aspirar á cobertura da praza convocada, xuntando á presente a documentación solicitada e que a continuación se relaciona:

- 1.-
- 2.-
- 3.-
- 4.-
- 5.-
- 6.-

A Coruña , a de.....de 2021

Sinatura do/a Solicitante

XERENTE DA ÁREA SANITARIA DA CORUÑA E CEE

ANEXO II

BAREMO PARA A CUALIFICACIÓN DAS/OS SOLICITANTES

FORMACIÓN ACADÉMICA: A puntuación máxima será de 15 puntos

Doutorado	4 puntos
Especialidade	1,5 puntos
Outras titulacións universitarias	1 punto
Posgrao relacionado coa materia	1,5 puntos
Posgrao máster oficial	60 ECTS: 0,5 puntos; 120 ECTS: 1 punto
Posgrao máster	150 a 300 horas: 0,2 puntos; > 300 horas: 0,5 puntos (máximo 1 punto)
Cursos relacionados coa materia/metodoloxía docente	0,1 punto / 100 horas (máximo 1 punto)

EXPERIENCIA DOCENTE: A puntuación máxima será de 30 puntos.

Docencia na/as materias da área de Enfermaría Comunitaria	6 puntos / ano
Docencia noutras materias	3 puntos / ano
Dirección de tese doutoral	0,5 puntos / tese
Titor de Traballo Fin de Máster	0,25 puntos / traballo
Titor de Traballo Fin de Grao	0,2 puntos / traballo
Titor de práctica-clínica EUE	0,5 puntos / curso académico
Co-titor Traballo Fin de Grao	0,2 puntos / traballo
Membro de Tribunal avaliador de Traballo Fin de Grao	0,1 puntos / traballo
Docencia non universitaria	0,2 puntos / curso

EXPERIENCIA INVESTIGADORA: A puntuación máxima será de 20 puntos.

Libros ≤ 4 autores	1 puntos / libro completo
Libro > 4 autores	0,5 puntos / libro completo
Capítulo de libro	0,3 puntos / capítulo (máximo de 3 por cada libro)
Proxectos de investigación	1 punto / proxecto
Artigo en revistas nacionais	0,5 puntos / artigo
Artigo en revistas internacionais	0,7 puntos / artigo

EXPERIENCIA PROFESIONAL: A puntuación máxima será **de 20 puntos**.

Enfermeira/o no Sistema Nacional de Saúde	0,25 puntos / mes
Enfermeira/o Especialista en Enfermaría Familiar e Comunitaria no Sistema Nacional de Saúde	0,1 punto / ano

OTROS MÉRITOS: A puntuación máxima será **de 5 puntos**.

Estadías:	0,1 puntos / mes
Postos de xestión:	0,2 puntos / ano
Membros de comisións, unidades de calidade, avaliación, etc.	0,2 puntos / ano
Dirección ou coordinación de cursos	0,1 puntos / curso
Cofecemento de idiomas estranxeiros (Nivel B2)	0,5 puntos / idioma

PROXECTO DOCENTE : A puntuación máxima será **de 50 puntos**

Estrutura do Proxecto Docente:	Ata 20 puntos
Defensa do Proxecto Docente:	Ata 30 puntos



XUNTA DE GALICIA
CONSELLERÍA DE SANIDADE



SERVIZO
GALEGO
de SAÚDE

Área Sanitaria da Coruña e Cee

galicia

ESCOLA UNIVERSITARIA DE ENFERMARÍA A CORUÑA